

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**

Broj: 02-11-4-1149-2/21

Datum: 18.06.2021.

Na osnovu člana 23. stav (3), tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19 i 31/19), člana 18. stav (1), člana 14. stav (4) i člana 26. Zakona o javnim nabavkama („Službeni glasnik Bosne i Hercegovine“, broj 39/14), člana 7. stav (4) Pravilnika iz područja odbrane i bezbjednosti („Službeni glasnik Bosne i Hercegovine“, broj 60/15) policijski komesar, d o n o s i:

**O D L U K U**

**I**

Određuje se pokretanje ograničenog postupka „Nabavka municije za službeno naoružanje“, putem. Za postupak javne nabavke je predviđeno zaključivanje okvirnog sporazuma za jednim dobavljačem na period od 24 mjeseca.

**II**

Procijenjena vrijednost nabavke iznosi 100.000,00 KM bez PDV-a.

**III**

Novčana sredstva za plaćanje nabavke osiguravaju se iz Budžeta Kantona Sarajevo za 2021. godinu – Razdjel 17 Ministarstvo unutrašnjih poslova Kantona Sarajevo, glava 02- Uprava policije, ekonomski kod 613400.

**IV**

Nabavka je predviđena Planom nabavki Ministarstva unutrašnjih poslova Kantona Sarajevo – Uprava policije, za 2021. godinu, broj 02-11-4-1149/21, od 02.03.2021. godine i Izmjenama i dopunama plana nabavki Ministarstva unutrašnjih poslova Kantona Sarajevo – Uprava policije, za 2021. godinu, broj 02-11-4-1149-2/21, od 31.05.2021. godine pod rednim brojem 47.

**V**

Za provođenje postupka dodjele ugovora za nabavku roba iz tačke I ove odluke zadužuje se Komisija za provođenje postupaka javne nabavke za potrebe Uprave policije policijske opreme za pripadnike voda za sprečavanje narušavanja javnog reda i mira u većem obimu i sukcesivne nabavke municije, imenovana rješenjem, broj 02/5-1-30-1-3590, od 18.06.2021. godine.

**VI**

Ova odluka stupa na snagu danom donošenja.

## OBRAZLOŽENJE

Pri donošenju odluke, policijski komesar Uprave policije Ministarstva unutrašnjih poslova Kantona Sarajevo se posebno rukovodio činjenicom da je predložena nabavka planirana Planom javnih nabavki za 2021. godinu, pod rednim brojem 47., te da je realno procijenjena njena vrijednost na tržištu (u skladu sa rezultatima istraživanja tržišta, provedenog prije donošenja plana nabavki), da su osigurana sredstva za nabavku, te predložena u skladu sa svim naprijed navedenim odgovarajuća vrsta postupka. Predmet nabavke je roba koja prema klasifikaciji spada u robu iz područja odbrane i bezbjednosti – municija za službeno naoružanje. S obzirom da se radi o jednoj vrsti robe podjela na lotove u smislu člana 23. Uredbe o kontroli javnih nabavki u svim institucijama čiji je osnivač Kanton Sarajevo nije svrsishodna, odnosno nije moguća i na ovaj način se ne vrši diskriminacija manjih privrednih subjekata koji su registrovani za promet predmetne robe. Na osnovu utvrđenog činjeničnog stanja, odlučeno je kao u dispozitivu.

  
**POLICIJSKI KOMESAR**  
**Generalni inspektor policije**

**Selimović Nusret**  


### DOSTAVITI:

1. Komisiji
2. Sektoru za materijalno finansijske poslove
3. Odjeljenju za odnose s javnošću, radi objave na web stranici ugovor. organa
4. a/a